

Evelyn Wever-Croes, cu refleccion riba Dia di Betico

“Si nos mester cay na caminda hamas boso laga e causa un banda, pero gara e bandera Arubano y sigi lucha pa realisa y preserva e libertad di nos pueblo”



pa bira líder di partido AVP, el a separa di AVP y na año 1971 el a funda partido Movimiento Electoral di Pueblo (MEP). Desde fundación di e partido te na su fayecimento, Betico tabata líder y Presidente di e partido. E mes nunca a ocupa posición di Diputado of Minister, pero como “Consehero General” Betico semper tabatin un influencia grandi riba e coalicionnan cu MEP a forma parti di dje.

LUCHA PA STATUS APARTE
Betico Croes a distingui su mes p’e derecho di autodeterminación di e pueblo

DIA 25 di januari nos ta celebra e fecha natalicio di Gilberto Francois “Betico Croes”. Betico a nace na Santa Cruz riba 25 di januari 1938. Despues di su estudio secundario na Aruba, el a bay Hulanda pa continua cu su estudio na Academia Pedagogico na Hilversum.

Na 1959 el a logra su “hoofdakte” como docente. Ora el a bolbe Aruba el a bay duna les na Colegio San Jose y Colegio San Antonio na Santa Cruz.

Na 1967 su carera político a cuminsa, prome como miembro di partido AVP. Ora Betico a wordo nenga e posibilidad

Arubiano. Pa logra esaki, Betico a busca simbolonan cu a uni nos pueblo y asina na 1976 Aruba a conoce su propio bandera y himno, danki na insistencia di Betico Croes.

Betico y MEP tabata lucha pa un status aparte pa Aruba dentro di Reino Hulandes, los di Antiyas Hulandes.

Riba 25 di maart 1977 el a organisa un referendum, cu a conduci na nos Status Aparte.

Na 1977, ora Gobierno Central kier a tene MEP (e partido mas grandi) for di Gobierno, Betico Croes a lanta e pueblo

di Aruba pa manifesta contra e poder di Curacao. E situacion a escala y Curacao a manda ‘Riot Comando’ riba e manifestantenan.

Algun manifestante a keda herida cu bala di carabina. Gobierno Hulandes n’e momento ey a realisa cu e mester tuma e exigencianan di Aruba na serio y Gobierno Hulandes a invita un delegación di Aruba pa bay Den Haag pa delibera. Eynan Betico Croes a bringa pa Status Aparte.

Betico Croes a guia e delegacion Arubiano durante e “Ronde Tafel Conferentie” decisivo na februari 1981 y maart 1983, caminda el a logra e Status Aparte entrante 1 di januari 1986. Un condicion di parti di Hulanda tabata cu Aruba lo ta independiente entrante 1 di januari 1996. Betico Croes no tabata kier e independencia n’e momento ey, pero tog a bay di acuerdo, cu e speranza cu e lo por a pospone of elimina e independencia. Berdad na año 1999, bao liderazgo di Nel Oduber, e condicion di independencia entrante 1 di januari 1996 a wordo elimina.

Den su discursonan elocuente Betico Croes a enfatisa cu e no tin miedo di ta un mártir p’e causa sagrado di Aruba. Betico te hasta a wordo encarcela, despues cu nan a haya un arma den su

auto, algo cu segun esnan cerca di dje tabata un complot contra dje.

Durante un parada durante elección na 1983, el a wordo herida pa bala door di un polis. Riba 31 di december 1985, apenas algun ora prome cu Aruba lo a drenta su Status Aparte, Betico Croes a keda seriamente herida den un accidente di auto, cu te awe a keda un misterio. Casi 11 luna después, riba 26 november 1986, el a fayece.

Betico Croes ta wordo considera e ‘tata di nos país’, y merecidamente ta carga e titulo di ‘E libertador di Aruba’.

Betico Croes a bisa: “Si un dia nan pone nos Status Aparte na peliger, esey kermen guera” y “Si nos mester cay na caminda hamas boso laga e causa un banda, pero gara e bandera Arubano y sigi lucha pa realisa y preserva e libertad di nos pueblo”.

Esaki ta hustamente e motibo pakico mi a drenta política, según Evelyn Wever Croes. Pa defende nos autonomía.

E frase di Betico cu mas e ta sinti su mes identifica cune ta: “E felicidad cu ami ta desea pa mi yiunan, ta e felicidad cu mi ta desea pa henter mi pueblo”.

Laga nos celebra Dia di Betico manera e tabata kier semper, den union cu otro y pa amor pa nos país.